

مدیری: ابن السری
احمد جودت



مؤسسی: ابن السری
مصطفی نامق

آشیان

أدب، علمی، أخلاقى هفتهاق مجرء، در

تاریخ تأسیسی ۱۳۲۶—۱۳۲۴

۲۸ آغستوس، ۱۳۲۴

نومرو ۱

استانبول

محل اداره سی: باب عالی جاده سنده دائرة مخصوصه

شرکت مرتبیه مطبعه سی

۱۳۲۴

قاشدیریحی محاسفندن برشی می غائب ایتش اولیور؟ دهاء بکا آیاغکی کوسترکه
باقلم، بنم کی طویوغکده غبار زمین وارمیدر؟ آیاغکده بوتوزدن اثر یوقسه بنم
یولمده یورومه مشسک، او حالده طانیشمیورز بندن چکیل کیت.

— ایمان فهمی

مابعدی وار

اخلاق فی ایمان

بزمی نه اوله جغز؟!..

۱۲ آغستوس ۱۳۲۴ تاریخی صالی کونکی اقدامی الیه آلیر آلاماز اینلک
کوزیمه ایلیشه ن شی، بیلیم ناصل برحسک سوقیه «یا بز نه اوله جغز» سرنامه سی
اولدی. همان امضایه باقدم «عصمت حق» اوخ یاربی دیدم: نه خوش سؤال،
صوریکر، صورالم، هپ برابر صورالم: بز نه اوله جغز؟!.. بردن قولاغمه درین
مبهم بر سس فیصلیدادی هیچ!... آجی بر اضطراب، ماضی بی، ماضینک بوتون
آجیلغنی بر آنده یاشاتدیران آجی بر اضطراب بوتون روحی آزدی. کندی
کندیمه سویلندم: بزمی نه اوله جغز؟!.. اگر کندیمزه، بزده، زوالی عثمانلی
قادینلرینه، ده دوغریسی بالخاصه مسلمان قادینلرینک بر قسمنه صورارسه کر
پک چوق شیلر اولمق ایستیه جکر. اوت او قدر چوق شی ایستیه جکر، ترقی
وتکملیزی او قدر جدی بر ثبات ایله آریه جغزکه، کوروب ایشیدنلر بزلرده کی
آرزو و خواهشه حیرت ایده جکلری کی شیمدی یه قدرده خور و حقیر یاشا.
دیغمزه شاهه جقلر و مسلمان قادینلرنده کی علم و متانت، صبر و مکناته واز جمله
اطاعته حیران اوله جقلر. آداب ملیه و ایجابات دینه مزنی قطعاً اونو تمیه رقی
— قادین ارکک بر چوق کیسه لک ظن ایتدکلری کی — هیچ بر شیشه یاراماز
مسرف بجریکسنز — اگر پک آغیر کیسه ده پک چوق شیلر صایه بیله جکم —
اولم دیغمزی کوستره جکر. بزده عقل و اذعان و محاکات معقوله ایله پک چوق.

ایشلره یارایه بیله جکمز، کشادینی بوتون قلبمزله تمنی ایدهرک هرکون منتظر قالدیغمز، ایی ایسه ترقیدن کچهرک راه سعادتده ایلریله مک ایچون تأخیرمک سببی وسائلمزک مفقودی، دلیلیمزک عدم موجودیتی اولدیغنی اثبات ایده جکر. چالیشه جغز، اوکر نه جکر، یتمز بر اقدام ایله اوکر نه جکر؛ بیلدیکمزی، اوکر ندیکمزی باشقه لرینه اوکر تهرک هم فائده هم استفاده ایده جکر دیرم. فقط ناصل دیرسه کر؟!...

اوخ ایشته او زمان کچمش کونلرک محرومیتی ایچون صیرلیان روحم دهها درین بر آجی ایله ایکلیهرک، سزکله برابر تکرار ایده جک. ناصل؟!... حمد اولسون بر آیدر سمای اقبالمز نور حریتله پارلیور. سونج، مسرت کله لرینک هیچ بروقت افهام ایدمه جکی قدر بویوک ممنونیتلر هرکس طرفندن، هیمز طرفندن تکرار ایدلکجه اشتیاقز آرتیورمش کی بردها بردها سویلیوب سونمکده دوام ایدیورز. ایشته فلانک انتقامی آلمش، فلانک حقوقی استرداد ایدلمش. بالخاصه منافع ملک وملت نظر اعتباره آنه رق تنسیقاته کرمی ویریلیور. اطرافزده انطرافه حاضر طوپلامش دوران و بر معنای تهدید ایله اوزانوب کیده ن سلسله بلا طاغیلیور. بویوک بر موفقیت، علوی وابدی بر شان و شرف تأمین ایدهرک آچیلیور. کوزلرمزده زبون بر رنگ توهمله تیره ره رک بکله دیکمز استقبال بزه جان بخش شعله لر صاچه رق امید ویریور. هیمزی بیک درلو خلیلره سوق ایدیور. بچمنز هرکون آرتیور. زواللی بر والدنک اولادی آرانه جق، قاتلی بولنه جقمش. شورایه کوپری یاییله جقمش. اوتده جاده آچیله جقمش. اوخ نه ایی نه ایی دیمکن کندیمزی آله میورز. قلبمز حس مسرتله طولیور. کوزلریمز یاشریور. یارنی ینه مسعود ایمشزکه بو دوره یتشدک، بو حریتی کوردک، بو سعاده نائل اولدف دیورز.

المزده کی غزته یه باقیورز. صحیفه لری بری برنی متعاقب چوپروب بر دهها باقیورز. بزلر ایچون، دایما اهما ایدلمک، اولسه اولسه هر حرکتلری یالکیز مؤاخذه ایدلمک ایچون موضوع بحث اولمغه آیشلمش زواللی بزلر ایچون برسوز! خایر برشی یوق. یوق دکل؛ بعضاً وار. فقط نه؛ شبهه سز اعتراض - باری

اعتراض ایله برابر تکملمز ایچونده برکله اولسه راضی یز - بعضاً مستثنا
حق شناس ذوات محترمه یی بالطبع استثنا ایدیورم البسه لیمز ، سوسلیمز ،
اسرافیز ، توالتمز .. نه اولور بر دفعه ، اوت بر دفعه بزلری ، شو اسلام قادیلرینی
حقیله دوشونسه لر ، دور استبدادده کی کبی آلایش وسلطنتیمز ، ثروت و قیافتیمز
براقسه لرده بزی دوشونسه لر . بزده اعتراف ایدرز ؛ قادیلریمز اولدجه مسرف ،
بر چوغی سوسه ، توالته منهمک ، همان قسم اعظممز اداره یتیمه دن بی خبرز .
اوت بونلر دوغری ، هپ دوغری ؛ قادیلرک ، بزلرک اصلاحی تکملی مسئله سی
پک مهم ، پک نازک .. دوشونکر ، دوشونسونلر ، هیمز ، هرکس دوشونسون
عهده مزه ترتب ایدن وظیفه یی درعه ده ایدم . کیممز ارانه ، کیممز حایه ،
کیممز اطاعتله اتفاق ایدم . ینته تکرار ایدرم چالیشه لم چالیشدیرم . فقط بر دفعه
دوشونه لم ، جدی وی طرفانه دوشونه لم : عجبا بزلرک تکمل و تفیضمز ایچون الک اول
البسه لیمزه اعتراضیمی باشلامق لازم کلور . یوقسه بالذات کندیمری تربیه فکریه
و معنویه مزه خدمت ایدهرک اصلاح ایتکمکی اقتضا ایدر . مع التأسف بزی
دوشون یوق ، البسه مزی سویله یین چوق .. فقط نوید اولیه لم بکلیه لم و هیچ
دورمه دن ایسته یه لم . ثبات و اقدامک جلی و علوی برهاتی کوردک ، بیقمه دن ایسته یه لم .
محترم طنین جعفی بو بودیور الک خیر خواه و مشوق حامیلریمزک تحت نظر تنده در .
اونلردن ، او محترم ذواتدن پک چوق شیلر بکلر و ایسته رز . مطبوعات رهبر علویاتدر .
اوقویه لم . یازه بیلدیکمز قدر یازه لم بر بزمزک بویوک کوچوک قصورلرینی نظر مساحه ایله
کوردهرک اخطار خالصانه شکننده خبر ویره لم . ایشته (آشیان) خوش و روحنواز
اسمنه تمامیه مسمی اولمق ایچون بر کشاده کی تام صمیمی ایله هنوز ایلک خطوه
ترددله ایلر یله مک جسارتی بوله میان ناچیز قلملرده برلانه ، بر (آشیان) اولیور .
دورمیه لم صحایف بدیعہ سی آره سنه صیغنه رق تکامل و تفیضه غیرت ایدم .
و (آشیان) ک شو دور حریت و سعادتده دائماً برهاله پر نور ترقی ایله محاط اوله رق
انتشارینی تمی ایتمکه برابر بالخاصه بزلرک ترقی و تفیضمز رهبر اولمسی آریجه رجایده لم .